



**Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. V. Corollaria notatu digna

---

[urn:nbn:de:hbz:466:1-77355](#)

## DE VOLVNTARIO ET INVOLVNTARIO. 101

77. Dices: Impedire aliquam rem à motu , vel A operatione , ad quam ex natura sua erat inclinata , est ei inferre violentiam : Sed voluntas beati v. g. est connaturaliter inclinata ad diligendum Deum ; non minùs enim est illi naturale & necessarium amare Deum , quām igni comburere , & lapidi descendere : Ergo sicut inferretur igni violentia , si impediretur ne combureret ; & lapidi , si impediretur ne descendere ; ita & voluntati beati , si per subtractionem divini concursus impediretur ne Deum diligeret , & ab amore beatifico desisteret cogeretur.

78. Respondeo primò , distinguendo Majorem : Impedire aliquam rem à motu , ad quem ex natura sua erat inclinata , est ei inferre violentiam , si talis impedito fiat à causa particulari , cui contranititur illa propensio & inclinatio , concedo : si fiat à causa universalis , scilicet à Deo , nēgo ; quia contra illum non nititur causa particularis , imò plus ad illum propendet , quām ad proprium motum & operationem . Sicut ergo si aliqua causa particularis faciat quōd aqua ascendat , vel quōd lapis non descendat , erit violentia ; secūs autem , si propter bonum universi , ne scilicet detur vacuum , ascendat aqua , & detineatur lapis ; quia quālibet creatura magis inclinatur ad bonum generale universi , quām ad bonum particulare & proprium : ita pariter si voluntas beati ab aliqua causa particulari extrinseca impedita posset ab amore , inferretur illi violentia ; non autem si à Deo impediretur per subtractionem concursus ; quia licet ad actum amoris sit necessariò determinata , multò tamen magis ad obediendum Deo ex propria natura inclinatur.

79. Respondeo secundò , data Majori , distinguendo Minorem : Voluntas beati est connaturaliter inclinata ad diligendum Deum , supposito divino concursu , & aliis ad operandum necessariis , concedo Minorem : Remoto Dei concurso , & aliis ad agendum requisitis , nego Minorem ; cū enim inclinatio voluntatis ad operandum sit dependens à superiori , & prime cause subordinata , absolute non tendit ad operationem , sed cum suis dependentiis , & supposita Dei motione & concursu ; unde illò subtractione naturale est voluntati non operari , sicut igni , si desit approximatio.

### S. IV.

#### Tertia difficultas elucidatur.

80. **D**ico tertiodi: Voluntas non potest cogi , quantum ad actus quos imperat & simul elicit ; bene tamen quantum ad actus , ab ea quidem imperatos , sed ab aliis potentiis ei inferioribus elicitos . Ita D. Thomas hic art. 4. in corp. ubi ait : *Duplex est actus voluntatis ; unus quidem qui est ejus immediate velut ab ipsa elicitus , scilicet velle ; alius à voluntate imperatus . & mediante aliâ potentia exercitus , ut ambulare & loqui..... Quantum igitur ad actus à voluntate imperatos , voluntas violentiam pati potest , in quantum per violentiam exteriora membra impediri possunt , ne imperium voluntatis exequantur . Ubi notanda sunt illa verba : à voluntate imperatus . & mediante aliâ potentia exercitus : quibus insinuat nomine actus imperati se non intelligere eos qui sunt eliciti ab ipsa voluntate : nam licet etiam isti possint imperari , sicut electio medium imperatur ab intentione finis , tamen ut ad præsens attinet , cum elicitis comprehenduntur ; in ipsis enim non potest esse violentia , sicut nec in pure elicitis . Et ratio est , quia ex eo voluntas cogi non potest in actu tantum elicto , quod talis actus fit quādam inclinatio actualis voluntatis in suum objectum , ut antea declaravimus : Sed etiam actus simul elictus & imperatus , est quādam inclinatio actualis voluntatis in suum objectum ; necessariò enim tendit in rationem boni , veri , vel apparentis : Ergo similiter reputat talēm actum esse violentum.*

81.

Quōd autem voluntas possit pati violentiam , quantum ad actus ab ea imperatos , & ab aliis potentiis inferioribus elicitos , manifestum est : Si enim v. g. voluntas nollet videre , posset quis vi aperire oculos ; vel si vellet videre , posset illos vi claudere : & in hoc casu cū aperirent oculi , illa visio non esset violenta potentia visivæ eliciendi , utpote juxta inclinationem illius ; esset tamen violenta voluntati imperanti , quia esset contra inclinationem elicitem ipsius . Imò etiam esset aliquo modo violenta potentia visivæ : quālibet enim potentia habet duplēm inclinationem ; unam particularem ad suum actum ut ad proprium bonum ; & alteram universalem , quā subiicitur voluntati , qua est inclinatio universalis tendens ad bonum totius suppositi : licet ergo visio non esset tunc violenta potentia visivæ , secundūm particularem ipsius inclinationem , esset tamen violenta secundūm universalem ; & absolutè violenta dici deberet , quia esset contra præcipuum suppositum inclinationem.

### S. V.

#### Corollaria notata digna.

**E**X dictis colliges primò contra Vazquem , Lorcam , & alios , non solum voluntatem , sed nec ullam etiam creaturam posse pati violentiam à Deo . Quod enim est secundūm inclinationem præcipuum creature , non est illi violentum : Sed quicquid Deus operatur in creatura , est secundūm præcipuum ipsius inclinationem : Ergo non est illi violentum , sed connaturale . Major patet : non enim potest esse violentia , nisi sit resistentia ; nec est resistentia ubi est inclinatio . Minor vero probatur : Sicut quālibet potentia , ut suprà dicebamus , duplēm habet inclinationem , unam particularem ad suum actum ut ad proprium bonum ; & alteram universalem , quā subiicitur voluntati , qua est inclinatio universalis tendens ad bonum totius suppositi : vel etiam sicut in omnibus rebus reperitur duplex inclinatio naturalis , una qua competit illis juxta suum esse particulare , quā propendit in proprium & conveniens bonum , v. g. lapis per gravitatem in centrum ; altera qua illis convenient in ordine ad bonum universi , cujus sunt partes , & per quam magis propendit in bonum universi , quām in proprium ; quare licet grave ex propria inclinatione per gravitatem tendat deorsum , & leve per levitatem sursum , tamen ne detur vacuum , grave propria gravitatis oblitum ascendet , & leve contempta levitate descendit : Ita etiam in qualibet re , præter propriam inclinationem , quā propendet in proprium & particulare bonum , datur alia fortior ac potentior , per quam in id quod Deus vult in ea aut de ea facere , tantā promptitudine ac propensione fertur , ut illud absque ulla violentia præstet , quamvis sit contra propriam inclinationem . Unde San-

N iiij

## DISPUTATIO PRIMA.

pietiae 16. sic habetur: *Ignis ut nutrimentur iusti, etiam sue virtutis obitus est; creature enim tibi factori deserviens &c.* Quibus verbis Scriptura declarat, quod dum creatura à Deo mouentur ad effectum aliquem qui videtur contra inclinationem propriæ naturæ, quasi obliviscuntur hujusmodi inclinationis, subiectando illam potentiam obedientiali, per quam Deo ad nutum inserviunt, sicut prædicta inclinatio in ordine ad resistentia effectum, est ibi veluti sub obliuione, & quasi non esset. Hinc Augustinus lib. 26. contra Faustum, ait quod Deus, creator & conditor omnium creaturarum, nihil contra naturam facit: id enim est cuique naturale, quod ille facit a quo est omnis numerus, motus, & ordo nature. Item B Divus Thomas 3. contra gentes cap. 100. variis rationibus probat, ea qua Deus præter naturam ordinem facit, non esse contra naturam; idque declarat in tertia ratione, exempli rerum corporalium: *Motus (inquit) qui sunt in ipsis inferioribus corporibus ex impressione superiorum, non sunt violenti, neque contra naturam; quavis non videantur convenientes motui naturali, quem corpus inferius habet secundum proprietatem sue forme; non enim dicimus quod fluxus & refluxus maris sit motus violentus, cum sit ex impressione celestis corporis, licet naturalis motus aqua sit solum ad unam partem. scilicet ad medium: multò igitur magis quicquid à Deo in qualibet creatura, non potest dici violentum, neque contra naturam.* Idem habet quest. 6. de potentia art. 1. ad 17. & quest. 1. art. 2. ad 1. ubi ait, quod omnes creature quasi pro naturali habent quod à Deo in eis fit: & proper hoc in eis distinguuntur potentia duplex, una naturalis ad proprias operationes & motus, alia qua obedientia dicitur ad ea qua à Deo recipiunt.

<sup>33.</sup> Ex quo patet Vazquem huc disput. 25. cap. 4. leviter & inconsiderate dixisse, duplum illam inclinationem, quam suprà in qualibet creatura agnoscimus, unam quā propendet in proprium & conveniens bonum, alteram quā ad bonum universi, cuius est pars, & ad obedientium Deo, à quo, ut ait Augustinus, est *omnis numerus, motus, & ordo nature, connaturaliter inclinatur, vulgarium Philosophorum esse fermentum*: Patet, inquam, hæc verba vulgaris esse Theologi, & in doctrina Divi Thomæ parum versati: cum S. Doctor, Theologorum Scholasticorum Princeps, locis citatis, duplum hanc inclinationem in qualibet creatura agnoscat. Et ratio etiam suffragatur: Nam ut ait idem Doctor Angelicus 1. p. qu. 60. art. 5. quod est alterius, majorem habet inclinationem in id cuius est, quam in bonum proprium: Sed qualibet creatura est pars universi, & aliquid Dei: Ergo majorem habet inclinationem in bonum universi, & ad obedientium Deo, quam ad bonum sibi proprium & conveniens. Majorem declarat Divus Thomas exempli manū, quæ scipiam naturaliter exponit id est ad conseruationem totius corporis; & virtuosi civis, qui se exponit mortis periculo, pro totius reipublicæ conseruatione: Ergo naturaliter magis inclinatur pars in bonum totius, quam in bonum proprium.

Confirmatur: Omnis creatura naturaliter magis inclinatur in finem, quam in media; opposita enim inclinatio est inordinata, ac subinde non potest esse à Deo creature impressa: Sed bonum universi, & bonum divinum, sunt finis bonorum particularium in quæ creature incli-

A hanc: Ergo idem quod prius.

Dices tamen cum Vazque: Non videtur probable, in eadem creatura reperi opositas inclinationes: Sed inclinationes ad descendendum & ascendendum sunt oppositæ, cùm habeant terminos oppositos & incompossibilis: Ergo figura mentum est ponere in aqua v. g. inclinationem universalem, quā naturaliter feratur sursum, ad vitandum vacuum toti naturæ inimicum, cum inclinatione particulari quam habet ad descendendum.

Confirmatur primò: Si in aqua esset talis inclinatio ad ascendendum, sequeretur quod cùm de facto ascendet, ne detur vacuum, non gravitat, nec niteretur deorsum: Sed hoc est falsum, & contra experientiam; videmus enim quod si per fistulam ascendat aqua, attracta respiratione, quod plus aquæ ascendet, eò magis fistula gravat manum: Ergo &c.

Confirmatur secundò: Si aquæ naturale sit ascendere ad vitandum vacuum, & obedientium Deo: deberet in ea esse aliquod instrumentum, seu virtus activa ad talen motum producendum, sicut revera habet gravitatem ad motum deorsum: Sed nullum habet principium activum ad motum sursum: Ergo nulla datur in ea inclinatio ad ascendendum, ut vitetur vacuum; sed cùm ascendet, hoc sit ex virtute corporis superioris contigui, trahentis post se corpus inferius, ne detur vacuum, sicut magnes trahit ferrum.

Ad objectionem respondeo, hujusmodi inclinationes, licet oppositas, non esse tamen incompossibilis, sed subordinatas, & aquæ secundum diversam rationem convenientes; nam prior competit ipsi quatenus est corpus; secunda vero, quatenus est pars universi, vel prout est ens creatum subditum Deo: nulla autem est repugnantia quod in creatura sint hoc modo diverse & oppositæ inclinationes, ut patet in animali, quod in quantum est grave descendit, & quatenus habet alas ascendet; qui tamen sunt motus contrarii: similiter in motu progressivo hominis, elevatio pedis est illi violentia, in quantum est corpus grave, & naturalis eidem, ut viventi & animali.

Ad primam confirmationem, nego sequelam Majoris: licet enim quando aqua, ne detur vacuum, ascendet ex inclinatione quam habet ad bonum universi, motus ille sit simpliciter naturalis; quia illa inclinatio ad bonum commune est præcipua, & predominans particulari; est tamen violentus secundum quid, in quantum per gravitatem aqua contranititur deorsum, & experientia fistulae gravantis & manum gravantis nihil aliud convincit. Et potest hoc declarari dupli exemplo jam adducto: Animal enim, vel homo, dum ascendit, & avis dum volat, naturaliter feruntur sursum, & motus ille est simpliciter naturalis, quia est conformis formæ & inclinationi præcipua & predominanti; & nihilominus gravitas talium corporum semper contranititur & resistit, tendens deorsum; unde hujusmodi animalia ascendendo & volando lassantur ex contraria repugnantia gravitatis, resistente cujus talis motus est violentus.

Ad secundam confirmationem, nego etiam sequelam Majoris: nam ut motus sit naturalis, non requiritur quod subiectum habeat in se principium activum illius (sicut ad hoc ut sit violentus, non est necessarium quod passum resistat activè, ut suprà ostendimus) sed sufficit

## DE VOLVNTARIO ET INVOLVNTARIO. 103

- principium passivum: unde inclinatio illa universalis quæ est in aqua ad ascendendum, nihil aliud est quam potentia obedientialis passiva, quæ naturaliter inest cuilibet enti creato, quæ tale est, ad recipiendum à Deo quicquid absolute non repugnat, ut docet D. Thomas loco supra laudato. Quare fictitia & imaginaria est virtus illa attractiva, quam ponit Vazquez in corpore superiori respectu inferioris, similis virtuti activæ quæ ferrum à magnete trahitur: nam vel talis virtus ribuitur rebus, solum quando imminent vacuum, & hoc est ridiculum, quia natura rebus providit de omnibus necessariis ad consistentiam universi: vel continuò inest rebus; & sic non solum quando imminent vacuum, trahentur sursum corpora gravia, sed semper & continuò, sicut magnes semper attrahit ferrum.
- Colliges secundò cum Divo Thoma h̄c art. 5.
90. violentiam causare involuntarium simpliciter: quia violentia directè opponitur voluntario, cùm violentum sit ab extrinseco, voluntarium vero ab intrinseco. Unde si reluctanti fœminæ prævalidus aliquis stuprum inferat, nihil ex eo quod patietur, ad eam noxæ pertinebit, uti Deuteronomio 22. sanctum legimus. Ita Christianas fœminas, quæ per Gothicam irruptionem, Romanâ caprâ, vim à Barbaris perpeccæ fuerant, solutus Augustinus lib. i. de Civit. cap. 17. quod inconcessa ac stabili permanente virtute, quidquid alias de corpore vel in corpore fecerit, quod sine peccato proprio non valeat evitari, prater culpam sit patientis.

Dices: Virgo dum à juvencie violatur, renitente ejus voluntate, violentiam patitur, etiamsi exteriùs non resistat, vel non resistat quantum potest: & tamen ille actus non est involuntarius, cùm in eo casu virgo mortaliter peccet, non resistendo, vel non resistendo quantum potest: Ergo violentia non causat semper involuntarium simpliciter.

91. Respondeo negando Antecedens quoad secundam partem: Quando enim virgo non resistit, vel non resistit quantum potest & debet, indirectè & interpretativè censetur consentire oppressioni, cùm non adhibeat media quæ potest ad illam evitandam: Unde ille actus non est violentus, sed voluntarius simpliciter, & involuntarius tantum secundum quid.

92. Sed quæres, quanam media externa teneatur apponere virgo ad resistendum oppressioni, ut inde dignosci possit, quandoman oppressio sit ipsi voluntaria interpretativè & indirectè, si talia media non adhibeat?

Respondeo cum distinctione: si enim virgo non timeat in se periculum consentiendi, & aliunde grave damnum vitæ vel honoris metuit, si clamet, vel aggressorem occidere tentet, non tenetur clamare, vel aggressorem interficere (quamvis licet utrumque possit, eò quod id praetet in sui defensionem) quia tunc resistere aggressori est præceptum affirmativum, quod non obligat pro semper, nec cum tanto periculo: si vero credit probabiliter se esse expositam periculo consentiendi, tenetur omnibus modis, etiam cùm vitæ aut famæ dispendio, resistere, clamando, & aggressorem occidere tentando: quia præceptum negativum de non consentiendo actui illicito, obligat semper, & ad semper: unde tandem concludendum est, cum Curiele, quod quia raro contingit, ut in tali casu non immineat periculum consentiendi, debent tunc vir-

A gines omnibus modis resistere; & ita semper ipsis consulendum est.

### ARTICVLVS V.

*An & quomodo ex metu facta sint mixta ex voluntario & involuntario?*

#### S. I.

*Prima pars quæstii resolvitur.*

B **D**ico primò: Quæ per metum aguntur, mixta sunt ex voluntario & involuntario.

Ita Divus Thomas h̄c art. 6. ubi hanc conclusionem probat tum ex Philosopho, & Niseno, qui ea quæ per metum aguntur, appellant mixta ex voluntario & involuntario: tum etiam quia ea quæ per metum aguntur, secundum se non sunt voluntaria, immo sunt involuntaria, sed sunt voluntaria ex metu, ad vitandum scilicet malum quod timetur: v. g. mercator absolute, & absque periculo tempestate, nollet projicere merces in mare; tempore tamen tempestate, ad fugiendam mortem que timetur, vult eas projicere, & de facto projicit in mare: Ergo quæ per metum aguntur, mixta sunt ex voluntario & involuntario.

Adde quod in objecto actus ex metu facti, reperiuntur ratio malorum & ratio boni, sufficientes ad caufandum nolitionem & volitionem, quæ sunt principia voluntarij & involuntarij: v. g. in hoc quod est projicere merces in mare, est ratio malorum, ut patet, cùm ex hoc mercator maximum damnum incurrit; & ratio boni, cùm affumatur ut medium ad conservandam vitam, seu ad evadendum mortis periculum.

Verum ut hæc conclusio magis declaretur, &

quædam instantiæ, quæ fieri possent in contrarium, diliuantur. Observandum est primò, quod cùm dicimus metum cauare actum mixtum ex voluntario & involuntario, non sic intelligendum est, quasi ipse metus causet in actu utramque rationem; hoc enim impossibile est, cùm rationes oppositæ non possint provenire ab eodem principio; sed intantum dicitur metus cauare involuntarium, inquantum causat actum in quo involuntarium reperitur, causatum tamen ex amore ad illam rem qua propter metum postponitur. Sicut si dicamus, quod anima, vel virtus motivæ animalis, causat metum mixtum ex naturali & violento, non est sensus, quod potentia motiva, vel anima causet in tali motu rationem violenti (hæc enim ratio desumitur per ordinem ad corpus grave, cui progressivus vel volatilis motus violentus est) sed significatur quod illa causat motum, in quo utraque ratio reperitur; naturalis scilicet (utpote cùm à principio intrinseco, nempe ab anima & virtute motivæ procedat ipse motus) & violenti, per ordinem ad gravitatem corporis.

Notandum est secundò, quod metus dupliciter potest se habere ad actionem, causaliter scilicet, & concomitante: Tunc se habet causaliter, quando est vera causa talis actus, ita ut ex metu moveatur homo ad sic operandum, ut cùm quis ex metu mortis offerte pecunias latroni, vel projectat merces in mare: Tunc autem se habet merè concomitante, quando reperitur